

## БАСПАСӨЗ МӘЛІМДЕМЕСІ

***ҚМГ БӨ Директорлар кеңесі Директорлар кеңесінің жаңа төрағасын сайлады, акционерлердің жылдық жиналысы өтетін күнді жариялады және 2011 жылдың дивидендтерінің мөлшері жөнінде ұсыныс берді.***

***Астана, 14 наурыз 2011 ж.*** «ҚазМұнайГаз» Барлау Өндіру» АҚ («ҚМГ БӨ», «Компания») Директорлар кеңесінің кезекті отырысын өткізді. Отырыс барысында ҚМГ БӨ Директорлар кеңесінің төрағасы сайланды. Ол - «ҚазМұнайГаз» Ұлттық Компаниясы» АҚ Басқармасының төрағасы Ләззат Киинов болды.

Бұдан басқа, Директорлар кеңесі 2012 жылдың 29 мамыры күні Астана қаласында акционерлердің жылдық жалпы жиналысын шақыру туралы шешім қабылдады. Күн тәртібіне негізгі келесі мәселелер: 2011 жылдың қаржылық есебі мен жылдық есебін бекіту, Компанияның 2011 жылдағы таза пайдасын бөлу тәртібін және Компанияның бір жай және артықшылықты акцияларына шаққанда дивиденд мөлшерін анықтау, 2011 жылдағы ҚМГ БӨ Директорлар кеңесінің жұмысын бағалау енгізілді.

Директорлар кеңесі Акционерлер жиналысына 2011 жылдың қорытындысы бойынша төленетін дивиденд мөлшерін ұсынды. Акционерлер жиналысы тиісінше шешім қабылдаған жағдайда, бір жай, сондай-ақ бір артықшылықты акцияға шаққанда дивиденд мөлшері 1 300 теңгені құрайды (ҚР заңнамаларына сәйкес ұсталатын салықтарды қоса алғанда). 2011 жылға дивидендтердің жалпы сомасы 91 млрд. теңгеге жуық қаржыны құрайды (615 млн. АҚШ долларына жуық).

Ұсынылып отырған акцияға дивиденд мөлшері алдыңғы жылдың көрсеткішінен 62,5%-ға көп және бұл 2006 жылдағы IPO-дан бергі ең ірі мөлшер болып табылады. Акционерлік құнды көтеру мақсатын басшылыққа алып, Директорлар кеңесі қазіргі уақытта мұнайгаз жобаларына инвестицияланбаған шоғырланған акша қаражаттарының бір бөлігін акционерлерге бөлуді ұлғайтуды орынды деп есептейді. Акцияларды кері сатып алудың жалғасуымен қатар, айтарлықтай дивидендтердің төлемі ҚМГ БӨ-нің қаржылық тиімділігін және инвестициялық тартымдылығын көтеруге ықпал ететін болады. Осылайша, Директорлар кеңесі Компания балансында қалған қаражаттар геологиялық барлаулар мен әлеуетті сатып алулар есебінен ҚМГ БӨ бизнесін кеңейту жөніндегі жобаларды қаржыландыру үшін жеткілікті деген сенімде.

Акционерлердің жылдық жиналысы бекіткен жағдайда, 2011 жылдың қорытындысы бойынша Компания акционерлеріне жылдық дивидендтер төлеу 2012 жылдың 11 маусымындағы жағдай бойынша жүргізіледі және 2012 жылдың 16 шілдесінде басталады деп күтілуде.

### АНЫҚТАМА

**ҚМГ БӨ** мұнай өндіру көлемі жағынан Қазақстанда көшбасшылардың үштігіне кіреді. Компанияның өндіру көлемі «Қазгермұнай» БК ЖШС мен SCEL («Қаражанбасмұнай» АҚ) және «ПетроҚазақстан Инк.» компанияларындағы үлестерді есептегенде, 2011 жылы 12,3 млн. тоннаны (тәулігіне 250 мың баррель) құрады. ҚМГ БӨ-нің мұнайдың дәлелденген және болжамды қорларының көлемі 2010 жылдың соңындағы жағдай бойынша 232 млн. тоннаны (1,7 млрд. баррелді), ал еншілес компаниялардағы үлесті есептегенде 2,2 млрд. жуық баррелді құрайды. Компанияның акциялары Қазақстан Қор Биржасында, ал ғаламдық депозитарлық қолхаттары – Лондонның Қор Биржасында листингтен өтті. 2006 жылдың қыркүйегіндегі IPO кезінде Компания 2 миллиардтан астам АҚШ долларын тартты. 2011 жылдың желтоқсанында халықаралық

Standard & Poor's агенттігі ҚМГ БӨ несиелік рейтингін «BBB-» деңгейінде және 2011 жылдың қыркүйегінде ГАММА корпоративтік басқару рейтингін «ГАММА-6» деңгейінде растады.

**Байланыстық ақпарат:**

«ҚМГ БӨ» АҚ, Жұртшылықпен байланыс (+7 7172 97 7908)

Елена Пак

e-mail: [pr@kmgep.kz](mailto:pr@kmgep.kz)

«ҚМГ БӨ» АҚ, Институционалдық инвесторлармен байланыс (+7 7172 97 5433)

Әсел Қалиева

e-mail: [ir@kmgep.kz](mailto:ir@kmgep.kz)

Pelham Bell Pottinger (+44 207 861 3147)

Елена Добсон

e-mail: [edobson@pelhambellpottinger.co.uk](mailto:edobson@pelhambellpottinger.co.uk)

*Болашаққа қатысты мәлімдеме*

*Осы құжатта «болашаққа қатысты мәлімдеме» болып табылатын немесе есептелетін мәлімдеме қамтылған. Басқаларының арасындағы «санайды», «алдын ала бағалау бойынша», «күтіп отыр», «болжам бойынша», «ұйғарып отыр», «жоспарлап отыр», «ұйғарды», «болады» немесе «болуы тиіс» деген сөздерді қоса алғанда болашақты сипаттауға арналған терминология, не, әр жағдайда осыған ұқсас немесе пара-пар терминология, не талқылауға арналған сілтемелер, болашақ оқиғаның немесе ниеттің жоспарлары, мақсаттары, міндеттері келешекке қатысты мәлімдемені түсіндіруге арналған. Болашаққа қатысты аталған мәлімдеме тарихи фактілер болып табылмайтын барлық мәлімдемелерді қамтиды. Олар ниеттер, пікірлер туралы мәлімдемелерді және Компанияның солармен қатар қызметтің нәтижелеріне, қаржылық жағдайға, Компания жұмыс істеп отырған стратегиялар мен салалардың жойылымдылығына, перспективаларына, өсуіне қатысты күтулері туралы мәлімдемелерді шектеусіз қамтиды. Өз тұрғысында болашаққа қатысты өтінімдер олар болуы мүмкін келешектегі оқиғалар мен жағдайларға қатысты болғандықтан тәуекелмен және белгісіздікпен байланысты. Болашаққа қатысты мәлімдемелер қызметтің болашақ нәтижелерінің кепілдігі болып табылмайды және Компания қызметінің іс жүзіндегі нәтижелері, қаржылық жағдайы және қызметін тоқтатуы және Компания жұмыс істейтін елдер мен салалардың дамуы осы құжатта сипатталған нұсқалардан айтарлықтай өзгеше болуы немесе осы құжатта қамтылған болашаққа қатысты мәлімдемелерге сәйкес жүзеге асуы мүмкін. Компания жаңа ақпараттар алудың, болашақ оқиғалардың немесе қандай да бір өзге де жағдайдың нәтижесінде болса да осы құжатта қамтылған салаға қатысты қандай да болмасын ақпаратты немесе болашаққа қатысты қандай да болмасын мәлімдемені жаңартуды жоспарламайды және ол жөнінде өзіне міндеттеме алмайды. Компания болашаққа қатысты мұндай мәлімдемелерде айтылған нәтижелерге қол жеткізілетіндігіне қатысты ешқандай мәлімдеме жасамайды, ешқандай растау бермейді және ешқандай болжам жарияламайды.*